

Vūahū túaró núhū

Ho vūahū nā kà lé o Poole túara ho nōn ho Filiipu lóhó kérètīewa kuure yi. Lé barén lé 6a nín-yání nùpuá na ó o Poole buera le bín-tente nōn yi ho Maseduana kõhū yi (Bè-wénia 16.12-40), á 6a tà dó mí sǐa o Yeesu *Krista yi. Ho vūahū mu ó o Poole hía wee túara ká a wi ho kàsó yi ká a màhā túara ho lè le sì-wεε.

Ho vūahū mu jūhū būεenīi ó o Poole zéenía le mí sii wan ho Filipusa bío yi. Būn móñ ó o zéenía bío ó o bío kará làa ba, ò o henía 6a sīa. O móñ bía nōn 6a yi le 6a wé liiní míten làa bío ó o Yeesu wóráa mu bío sii. O zéenía le mí ì tonka a Epaforodiite là a Timōtee ho Filiipu kérètīewa cōn (1-2).

O nà ɓa zeñ wán le ɓa wé yí jí ho kàráló na bío
yí bon bío, ká ɓa sòobá míten à wé wé là arén bío
síi (3).

O zéenía bío le Dónbeení wee nanáa le sī-wEE lè ho héerà bía búenbúen na páanía là a Krista yi (4).

Le tèenii

¹ Inén Poole là a Tim̥tee na lé o Yeesu *Krista ton-sáwá wee t̥éení minén kérēt̥íewa na wi ho Filiipu lóhó yi. Wa wee t̥éení ba ya-díwá làa bia wee séení ba yi, làa bia ká búenbúen na bío sâ le Dónbeení yi ba páaníló là a Yeesu Krista bío yi. ² Le

wàn Maá Dónbeení là a Núhūso Yeesu Krista à wé
mí sāamu làa mia, à na ho héerà mia.

O Poole flora ho Filiipusa bío yi

³ Pâahú lee pâahú ká i leekaa mi bío, à i dé wàn Dónbeení bárákà. ⁴ Pâahú lee pâahú ká i wee fio à i mún fio na mi búenbúen yi lè le sî-wεε. ⁵ Lé bío, à lá ho pâahú na mi dó mi sia o *Krista yi á bueé bó ho zuia yi, á mi dó mi níní miï le Dónbeení bín-tente bueró tonló yi. ⁶ I láa mu yi le ho ton-tente na le Dónbeení búua júhú mia, á le è sá á à tií jii o Yeesu Krista bíní búen-nònzon. ⁷ I tuiá sî à hōn yilera so keñ miï mi búenbúen dání yi, lé bío á i wa mia làa sòobée. Mu bon, le Dónbeení wó á mi leéra le bín-tente bueró tonló yi làa mi. A pâahú na á i wi ho kàsó yi, á wee tà le Dónbeení bióníjii o cítí-fí yahó, á i wee zéení mu wéréméré le mu lé ho tuiá. ⁸ Mu bon, le Dónbeení zú le mu lé ho tuiá pony, le i wa mia làa sòobée làa bío ó o Yeesu Krista waráa mia. ⁹ A i wee fio le Dónbeení cón le mi waminí wíoka wé dé wán, à mi bío zúnló le Dónbeení bío dání yi, làa bío se làa bío yí se hueekaró míni yi à wíoka wé dé wán. ¹⁰ Bún ká mi i dàñ n̄ lén bío se po bío ká bëra a na à mi ce le Dónbeení yahó à wékheró bío yí mi yí leé yi à vaa búe o Krista bíní búen-nònzon. ¹¹ A mi bë-wénia búenbúen á à téréen o Yeesu Krista pànká yi, á ba nùpuá á à dé ho cùkú le Dónbeení yi, á à khònóni le.

Le bín-tente bueró bío

¹² Wàn zàwa lè wàn hinni, i wi à mi zúñ le bío sá miï lé bún wó á le bín-tente bueró tonló vannáa lè mí yahó. ¹³ Mu bon, ho *Oroomu bëe zì-beení parowà júnásá làa bía ká búenbúen zú le lé o *Krista bío yi á i wiráa ho kàsó yi. ¹⁴ Bío á i wi ho

kàsó yi lé bùn mún wó á wàn zàwa lè wàn hínni boomuso wíokaa dó mí sia o Núhúso yi, á wíokaa henía mí sia le Dónbeení bíoni bueró yi. ¹⁵ Ba búi wi ba tlahú wee bue o Krista bín-tente lé bío ba wee dí le yandee làa mi, á wi à ba bío júhú wé poñ mi. ¹⁶ Eε ká ba búi bán wee bue le bíoni mu lè le yi na se. ¹⁷ Bánsowa so wee wé mu lé bío ba wa mi, á zú le i wi hen le bín-tente pii taró bío yi. ¹⁸ Ká bía wi à ba bío júhú wé poñ mi o Krista bín-tente bueró bío yi, bán yilera na wi ba yi yí se. Ba wi à ba beé i lò à bë bío á i wi ho kàsó yi wán. ¹⁹ Lé bío á i zú le bío wee wé kà búnénbúen vaa véeníi lé i káníló mi fioró pànká yi, là a Yeesu Krista Hácíri* na wee séení mi pànká yi. ²⁰ Bío á i pan làa sòobéé á dó i sii wee lòoní lé bío kà: I máa wé bío búi na hā níyio dà à dí mi bío yi. Ká i sii á à wé here á wáa wé è dé ho cùkú o Krista yi i wárá yi làa bío á i wee wéráa mu, à i yío wé lua, tàá à i hi. ²¹ Mu bon, ínén cőn ká i yío wi lua, se lé ho cùkú déró o Krista yi bío yi. Ká i bén húrun loo, á i mún n yí cùnú bùn yi. ²² Eε ká bío á i yío wi lua wà, á tonló cùnú wi ba nùpuá cőn, á bío á i wáa à lén á i yí zú. ²³ I wee héhééka mu mí bío jún pâahú. I lá húrun á vaá wi là a Krista, se mu lá à wé sì mií, lé bío á bùn lé bío bén tñin súaaní. ²⁴ Eε ká minén bío yi á i kénló làa mia á júhú bén wíokaa wi po bùn. ²⁵ A bío á i wáa

* **1:19** Yeesu Krista Hácíri: O Yeesu Krista Hácíri na bío bía hen lè le Dónbeení Hácíri léé dà-kéní.

láa mu yi, á ï zū le i keń bín, á à keń lè mi búenbúen á wé è séení mia, à mi wíoka zūn le Dónbeení bío, à sia wa mi siadéró o Yeesu yi bío yi. ²⁶ Lé bún n na ká i khíi bínía guara mi cón, á mi i wíoka zámaka làa sòobée i bío yi mi páaníló là a Krista yi.

Bío ba kérétíewa ko ba búa lè miten

²⁷ Bío bío here lé bío mi i búa miten sese á à héha làa bío ó o *Krista bín-tente le mu koráa, béra a na ká i guara mi cón loo táká ká i yí guara loo, à i wé jí le mi fárá dín mi siadéró o Krista yi wán lè le hácíri dà-kéní, á wó le jíi dà-kéní páanía lá le lònbee wee tà le Dónbeení bín-tente jíi. ²⁸ Mi yí díá le mi zúkúsa záníka mia bío woon yi. Bún n zéení làa ba le ba à yáa, ká mu bén n zéení lè minén le mi i kání. Bún búenbúen lé le Dónbeení wó mu. ²⁹ Mu bon, le Dónbeení wó mu sáamu làa mia: Le wó á mi dó mi sia o Krista yi á mún lò wee be o bío yi. ³⁰ Mu bon, inén làa mia páanía wee lá le lònbee dà-kéní, dío á i híá lá lè ho yahó á mi mən. A lé dén lònbee so á i pá lan wee lá á mi wee jíi bío.

2

¹ Mi pànká wee wíoka keń mi páaníló là a *Krista bío yi. O waminí wee hení mi sia. Mi páanía le Dónbeení Hácíri pànká yi. Mi sia se á zú le màkári. ² Awa, á mi céñ wáa wé jíi míñ yi, à wañ míñ, à wé mi yilera làa dà-kéní. Mi wé bún búenbúen á tiíráa i sì-wee jíi. ³ Mi yí wé bío búi na wee wé à mi bío júhú keń poń bía ká. Mi wé yí yòoní miten bía ká wán à ba mi mia. Ká mi wé liiní miten à wé leéka le bía ká súaaní mia. ⁴ Mi wé yí leéka minén mi dòn bío, ká mi mún wé leéka bía ká bío.

- ⁵ Bío mi páanía là a Yeesu Krista, á mi búa miten làa bío ó o buannáa míten bío síi:
- ⁶ Orén na ka lè le Dónbeení bío, á yí le mí ì búa mí màamínló làa de konloon.
- ⁷ Bùeé. O tà díá bún búenbúen ò o bueé ton lè ba nùpuá bío síi á lé o nùpue binbirí, á wó míten là a ton-sá bío síi.
- ⁸ O liinía míten á tà bò le Dónbeení bióní yi fúaa o tà mu húmú yi, härí mu húmú ho *kùrùwá wán.
- ⁹ Lé bún nən le Dónbeení wāa yòoníanáa wo ó o wi mu bío búenbúen júhú wán, á wó ó o yú le yèni na po hã yènnáa búenbúen.
- ¹⁰ A bía wi ho wáayi làa bía wi ho tá wán làa bía wi ho nǐ-hánbó-lóhó yi búenbúen nì fárá mí nənkójnúná wán o yahó.
- ¹¹ A ba búenbúen á à bío wéréméré le o Yeesu *Krista lé o Núhúso, á à déráa ho cùkú o Maá Dónbeení yi.

Ba kèretlewa ka lòn khoomu ho dímlynáyi

- ¹² Minén na á í wa làa sòobéé, bío mi wee bë le Dónbeení bióní yi, á mi wé wé bío á bía le kānía ko ba wé. Mi wé kònbi le Dónbeení làa sòobéé à wéráa mu. Bío mi lá wee wé mu ká í wi làa mia, á mi pá wíoka wé wé mu härí bío á í mía làa mia.
- ¹³ Lé le Dónbeení wee na ho pànká mia à mi sìa vá hã wárá na sì le yi à dàní wéráa hã.

¹⁴ Bío léé bío na mi wee wé, à mi yí khí mi kíoyi ká mi ì zá làa míñ à wéráa mu, ¹⁵ bëra a na à wékhe bío yí mǐ yí leé mia, à mi wé ba nùpuá na wee ce le Dónbeení yahó, le Dónbeení zàwa na á fíani mía yi ho lònbiò nùpuá na lé ba nǐ-súmáa tìahú. Mi ka lòn khoomu ba tìahú lòn fintééna na dó bío

síi, ¹⁶ minén na wee bue le bín-tente, dío wee na le mukāní binbirí. Ká mi wee wé làa bún, á ī dà à zāmaka mi bío yi o *Krista bíní buen-nònzorì, lé bío le lònbee na á ī lá mi bío yi yínən kāamáa. ¹⁷ Bío mi dó mi sia le Dónbeení yi á mi nən miten le yi bún ka lòn muiní na ɓa yan bío sii. A hárí ká ɓa ko ɓa ɓué mi, à ī wé lòn hāmu na bò mu wán, á ī wee zāmaka mu bío yi á à zāmaka lè mi ɓúenbúen. ¹⁸ Làa bún bío sii, á minén mún wé zāmaka, à mún zāmaka làa mi.

O Timatee là a Epaforodiite tonkaa bío

¹⁹ I wee leéka le hen làa cīinú ká a Núhúso Yeesu tà, á ī tonka a Timatee mi cōn béra a na à ī jí mi sã à sīi hī mi bío yi. ²⁰ Lé bío ká mu yínən wón á nùpuwa na wee leéka mi bío làa bío á ìnén wee leékaráa mu á mía. ²¹ Bía ká ɓúenbúen yara sã mí kùrú bío ká a Yeesu *Krista bío níi ló. ²² Minén mi bēere zū bío ó o wó. O páanía sá le bín-tente tonló làa mi làa bío ó o za wé sáráa lè míin maá. ²³ Awa! Ká i zūna bío á ī bío ò wéráa, ó orén lé yǐa á ī wee leéka à ī dèení tonka mi cōn. ²⁴ I láa mu yi le hen làa cīinú ká a Núhúso ò na ho wāhū mii á ìnén i bēere á à buen mi cōn. ²⁵ Eε ká wàn za Epaforodiite na mi lá tonkaa i cōn ò o buee na mi níi bío na mi le mi i séení làa mi mii, á ī le mu ko à ī díia wo ò o bíní buen mi cōn. O sá le bín-tente tonló á lá le lònbee làa mi làa sòobéε. ²⁶ O bēntín wi ò o mi mi wán, á mún yilera lùnkaa lé bío ó o zū le mi já mí vánvámu bío. ²⁷ Mu bon, o lò lá yí here làa sòobéε, lée cīinú ká a yàá lá à hí. Ká le Dónbeení màhā zūna a màkári, mu yàá yínən orén mí dòn, ìnén á le mún zūna màkári béra a na à le yí-véε na wi i wán à yí dé wán. ²⁸ Lé bún nən á ī wi à ī díia wo ò o buen mi cōn fùafùa, béra a na

ká mi mən wo, à mi sǐa wa, à īnén yi-véé bën yòo tì yi. ²⁹ Awa! A mi sì a yahó lè hã zāmaka-beení mi pásaníló là a Krista bëo yi. Ba nùpuua na ka là a bëo á mi wé kɔ̄nbi, ³⁰ lé bëo á ciinú ká ká a lá à hí o Krista tonló bëo yi. Bëo mi yí dà máa wé máa na mií lé bëo mi khèra làa mi, lé bùn ó orén zàanía mí mukāní á wó séenianáa mi.

3

O Krista bëo nuhū wi po bëo ká

¹ Wàn zàwa lè wàn hínni, á bëo kà wán á ī wee bëo bëo kà làa mia: Mi wé zāmaka bëo mi pásanía là a Núhuśo bëo yi. Mu bëo na á ī túara nən mia na á ī bìnía wee tìi yi yínoró bëo na wee seé mi, ká mu lee bëo na á à séení mia, à bëo bùi yí dàni mia yí vñiní. ² Mi pa miten bëo ba ton-sá-kora yi, ba ka lòn booní, ba sòobáa wee hení ho kúioró bëo dàkhiína. ³ Mu bon, warén lé bìa kúiora binbirí. Wa wee bùaaaní le Dónbeení lè le Hácíri pànká, á wee zāmaka wa pásaníló là a Yeesu *Krista bëo yi, á yí dó wa sǐa waten yi. ⁴ Ká a bùi lá wee leéka le mí dà à dé mí sìi miten yi, se īnén dà à dé ī sìi bùn yi á à poń wón bånsø. Mu bon, ī tuiá lá à wé sì à ī dé ī sìi iten yi, ⁵ lé bëo á īnén ba *kuio ī teró wizooní bëo hètìn zon. Wàn sìi lé o *Isirayeele nípomu, ī ton o Bënzamee zì-nuhū yi. Wàn nùwā lé ba *zúifùwa binbirí, á ī lé o zúifù binbirí. ⁶ Ilé o *Farizie á henía o *Møyiize ländá béró bëo, á ī can ī kuio làa sòobéé le Dónbeení tonló yi fúaaí lá wee beé ba kérèt̄iewa kuure lò. A ho *ländá mu béró dǎní yi, á nùpue lá yí dà máa bío le ī wó khon mu bùi yi hùúu. ⁷ Ee ká a Krista bëo yi, á bùn bëowa so na lá ka lòn cùnú bëo ī cōn á ī wāa wee wé lòn bë-kåamáa. ⁸ Mu bon,

mu bío ɓúenbúen ka lòn bío na júhú mía i cón, lé bío á i Núhúso Yeesu Krista zúnló bún lé bío júhú wi po bío ká ɓúenbúen. Lé orén Krista mu bío yi á i pánna mu ɓúenbúen, á wee wé mu lòn zàn-bío, béra a na à i bío wíoka sí a yi binbirí ⁹ à páaní làa wo. Mu yínorí bío á inén bò ho làndá yi á nòn á i térennanáa, ká lé bío á i dó i sí o Krista yi á le Dónbeení wóráa mi là a ní-térennii. ¹⁰ Bío á i wee cà lé o Krista zúnló, à mún zúñ ho pànká na le Dónbeení nòn wo yi o vèeró móñ. I wi à i páaní a lònbee yi làa wo à tà mu húmú yi là a bío sii. ¹¹ Ká mu wó kà, á inén mún nì làa mu yi le le Dónbeení khíi vèení mi.

Wa ko wa bánbá vaa yi bío wa wee cà

¹² Wàn zàwa lè wàn hinni, i yí dà máa bío le bío á i wee cà á i wáa yú gó, tàá bío á i ko à i keñnaá á jíi wáa tun. Ee ká i màhá wee hení i lò béra a na à i yí mu, lé bío ó o Yeesu *Krista léra mi á i bío sá a yi ɓúenbúen. ¹³ Wàn zàwa lè wàn hinni, inén yí máa leéka le i yú mu gó. Bío bío here mií lé bío kà: Bío á i wó khíina á i wáa yí máa lorí, bío wi i yahó lé bún á i wee bánbá bío yi. ¹⁴ A bío á i wee cà lé bún á i wáa wee lùwí bío yi, béra a na à i vaa yí i veró cùnú ho wáayi le Dónbeení cón i páaniló là a Yeesu Krista bío yi. ¹⁵ Lé hón yilera so ko à hā wé keñ warén kèreteéwa na dón gó le Dónbeení bío dání yi yi. Ee ká mi wee leéka bë-vio búi mu bío yi, à le Dónbeení zéení mu yara wéréméré làa mia. ¹⁶ Bío wi bín, á hen na wa van vaá gó yi á mi wáa le wa wíoka bánbá làa bún bío.

¹⁷ Wàn zàwa lè wàn hinni, mi wé wé bío á i wee wé. Bía wee bë bío mi mòn à wa wee wé yi lé bán

á mi fá mi yǒo yi. ¹⁸ Mu bon, ɓa nùpuwa cèrèe wárá wee zéení le ɓa lé o Krista na húrun ho *kùrùwá wán zúkúsa. I lá wee wé bío mu na mia féee, á i pá bínía wee bío mu làa mia ká i wá. ¹⁹ Bán nùpuwa so píorà lé ɓa doffina, á hã níyi-wárá na ɓa wee wé lé hón á ɓa wee khòoní miten bío yi. Bío ɓa wee leéka lé ho dílmíjá bío mí dòn. Mu vaa véenii ká ɓa à yáa búenbúen. ²⁰ Eε ká warén kùrú lahó hón yòó wi ho wáayi. A wa kânílo Yeesu Krista na à lé bín á à buen lé wón wa wee lòoní. ²¹ Hen ká a khíi guara á wa sánia na cùkú mía ó o bueé wé á hã à keń là a sánia na cùkú wi bío síi. O o ò wé mu lè ho pànká na wi o cón, hǐa ó o ò yíráa le sée mu bío búenbúen wań.

4

¹ Awa, wàn zàwa lè wàn hínni na i wa làa sòobéé, i sli ɓéntin vá à i bíní mi mia. Mi bío wee wéé i sli, á lé minén bío yi à i yí ho cùkú, á mi wáa wíoka fárá dín mi páníló là a Núhúso yi.

Le zéenii bío

² O Evodii là a Sëntiisi á i wee hení bío kà á à na yi le ɓa ji-cúa wé le dà-kéní ɓa páníló là a Núhúso bío yi. ³ Eε ká ünén na pánía wee sá ho tonló làa mi lè mí yahó á i wee bío bío kà á à na yi: Ba hääawa mu mí nùwã juń á ū séení. Ba pánía lá le lònbee làa mi le Dónbeení bín-tente bueró bío yi. O Kileman lè wàn zàwa na ká mún pánía lá le lònbee làa mi le Dónbeení bín-tente bueró bío yi. Bán yènnáa túara bǐa yú le mukañí binbirí yènnáa vüahú yi.

⁴ Mi wé zámaka féee mi páníló là a Núhúso bío yi. I wíokaa wee bío mu, mi wé zámaka. ⁵ Mi wé ɓa nùpuwa na wayika à ɓa nùpuwa búenbúen zúń

bio. Mi wé leéka le hen làa c̄linú ká a Núhúso á à buen. ⁶ Mi yí le mi hácírí yáa bio woon yi. Ëe ká mi màkóo wé wi bio lée bio yi, à mi zéení mu lè le Dónbeení. Mi mún wé dé le bárákà féeε. ⁷ Ká mi wee wé kà, á le Dónbeení á à na mí héerà mia, hón héerà so dà bio wa wee leéka búenbúen wán, ho ò wé á mi yiwa máa wé è dè, á yilera máa wé è lùnka mi páaníló là a Yeesu *Krista bio yi.

⁸ Wàn zàwa lè wàn hínni, á bio kà wán á ī ì bio bio kà làa mia: Bio ko mu wé here mia lé ho tuiá poni bio, làa bio búenbúen na ko lè le k̄nbii, làa bio térenna, làa bio wee ce, làa bio ó o nùpue ko ò wań, làa bio ko lè ho cùkú. Bio búenbúen na se làa sòobée, làa bio ko lè le búaaníi lé bún bio ko mu wé here mia. ⁹ Bio á ī kàráンna làa mia á mi tà yi, bio mi jńá ī c̄ón làa bio mi mən à ī wee wé lé bún á mi wé bē yi. Ká mi wee wé kà, á le Dónbeení na wee na ho héerà, á à keń làa mia.

Ho Filiipu lóhó kérétíewa bárákà déró bio

¹⁰ I wee zāmaka làa sòobée ī páaníló là a Núhúso yi, lé bio mi màhā wāa dàrná zéenía làa mi le mi pan ī bio. Mu bon, mi pan ī bio yí khú ká lé bio mi lá dīn yí yú mu wéró níi. ¹¹ Mu yínəní bio buí fòora miī á nən á ī wee bioráa kà. Hen ká ī bio ka làa bio na, à ī sii wa mu bio yi lé bio á ī mána mu búenbúen. ¹² I khon loo, á ī zū bio á ī búa lè iten. I bio wi loo á ī zū bio á ī búa lè iten. I yú bio á ī dí loo, tàá ī yí yú bio á ī dí loo, à ī yí puuní loo, tàá à bio wi ī c̄ón fòora miī loo, mu búenbúen yi á ī zū bio á ī búa lè iten sese. ¹³ Bún biowa so wéró pànká ó o *Krista wee na miī. ¹⁴ Ëe ká bio mi séenía mi le lònbee na yú mi bio yi bēntin lée bio na se.

¹⁵ Minén Filiipusa, mi zū le pāahū na á ī ɓúa le Dónbeenĩ bín-tente bueró júhū mi cōn, á ló ho Maseduana kōhū yi, á lé minén mi dòn lé ba kérèt̄iewa kuure na séenía mi. ¹⁶ Pāahū na á ī wi ho Tesaloniiki yi lé bín mi ɓúa mu júhū yi, á séenía mi làa bío á ī màkóo wi yi á dōn hā cúa-jun. ¹⁷ Bün yí máa zéení le i wee cà à mi wé séení mi làa bün síi féeε, èe ká i màhā wi à le Dónbeenĩ na bío mi wee wé ɓàn cúnú mia. ¹⁸ Mi hāmu na mi tonkaa là a Epaforodiite ɓueé dōn mi lè mí jni-kāa, mu yàá puunía bío á ī màkóo wi yi ɓúenbúen. Bío mi nən mií ka lòn muiní yla na cína á sāmu sī le Dónbeenĩ yi. ¹⁹ Wàn Dónbeenĩ na nàfòrójii mia á à na bío mi màkóo wi yi ɓúenbúen mia mi páaníló là a Yeesu *Krista bío yi. ²⁰ Le ho cùkú à bío sī wàn Maá Dónbeenĩ yi féeε hā lúlúio na jii mia yi. *Amiina!

Le tēenii

²¹ Bia bío sā le Dónbeenĩ yi ɓa páaníló là a Yeesu *Krista bío yi á mi tēení yi lè mí nī-kéní kéní. Wàn zàwa lè wàn hinni na làa mi páanía wi mún wee tēení mia. ²² Bia hen na bío sā le Dónbeenĩ yi ɓúenbúen wee tēení mia, sɔñkú bia wee sá ho *Oroomu béε cōn.

²³ Le o Núhūso Yeesu Krista wé mu sāamu làa mia.

**Dónbeenì páaní fīnle vūahū
New Testament in Buamu (UV:box:Buamu)**

copyright © 2012 Wycliffe Bible Translators, Inc.

Language: Buamu

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Buamu

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

PDF generated using Haiola and XeLaTeX on 21 Feb 2024 from source files
dated 30 Dec 2021
331a1641-e36a-5300-8cb1-c9476fce9bf